


Kev siv khoom siv pov thaiv tus kheej (personal protective equipment, PPE) txhua yam rau hauv cov chaw muab kev saib xyuas kho mob ncuaj sij hawm ntev

Nyob rau lub sij hawm muaj Tus Kab Mob Khaus Viv-19 (COVID-19), tag nrho txhua tus neeg ua hauj lwm yuav tsum rau ib daim ntaub npog qhov ncauj qhov ntswg* thiab khoom siv rau kev pov thaiv qhov muag (daim nab kaj npog ntsej muag los sis iav thaiv qhov muag) thaum nyob rau hauv qhov chaw ua hauj lwm ntawd.

Vim li cas?

Cov neeg muaj peev xwm muaj tau tus kab mob vais lav (virus) uas ua rau tshwm sim muaj Tus Kab Mob Khaus Viv-19 (COVID-19) thiab sib kis tau yam tsis muaj cov tsos mob dab tsi tshwm sim rau paub txog li. Kev rau khoom siv pov thaiv tus kheej (personal protective equipment, PPE) txo tau kev nthuav tawm ntawm cov kua dej tsav ib ce ntawm txoj hlab ua pa uas muaj los ntawm kev sib tham, kev txham, thiab kev hnoos kom muaj tsawg. Tsis tas li ntawd, nws kuj tseem pov thaiv tau qhov muag, qhov ntswg, thiab qhov ncauj kom tsis txhob raug tau cov kua txaws los sis cov kua txua los ntawm cov khoom siv uas kis tau kab mob yooj yim los ntawm lwm tus.




Khoom siv pov thaiv tus kheej (personal protective equipment, PPE) yuav pov thaiv tau koj los ntawm lwm tus thiab pov thaiv tau lwm tus los ntawm koj

* Daim ntaub npog qhov ncauj qhov ntswg yog daim ntaub npog qhov ncauj qhov ntswg los sis lub looj npog qhov ncauj qhov ntswg pab ua pa uas siv tau rau fab kev kuaj mob. Tsis pom zoo rau siv cov looj npog qhov ncauj qhov ntswg pab ua pa uas muaj ib daim tom xib npog ua pa, vim hais tias nws tuaj yeem ua rau cov pa tso tawm uas tsis tau raug luj lim tawm tau mus rau sab nrauv


Tswv Yim Qhia Txog Kev Xyaum Ua Uas Zoo Tshaj Plaws #1



Tswv Yim Qhia Txog Kev Xyaum Ua Uas Zoo Tshaj Plaws #2



Tswv Yim Qhia Txog Kev Xyaum Ua Uas Zoo Tshaj Plaws #3



Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Mavel Morales ntawm 1-844-882-7889, 711 TTY los sis OHA.ADAModifications@dhsosha.state.or.us.

OHA 2744 Hmong (7/17/2020)



Yuav tsum rau daim ntaub npog qhov ncauj qhov ntswg thiab khoom siv rau kev pov thaiv qhov muag yam raug raws txoj cai txhua lub sij hawm. Khoom siv rau kev pov thaiv qhov muag yuav tsum npog tau ob lub qhov muag. Cov ntaub npog qhov ncauj qhov ntswg yuav tsum npog tau tag nrho qhov ntswg thiab qhov ncauj tib si.

Zam tsis txhob tuav (chvv) koj daim ntaub npog qhov ncauj qhov ntswg thiab khoom siv rau kev pov thaiv qhov muag. Yog hais tias koj xav rov txav dua los sis hle qhov khoom siv pov thaiv tus kheej (personal protective equipment, PPE), siv tshuaj ntxuav tes ua kev nyiam huv ua ntej thiab tom qab kev siv txhua zaus.

Thaum tsis muaj peev xwm rau tau daim ntaub npog qhov ncauj qhov ntswg thiab khoom siv rau kev pov thaiv qhov muag (piv txwv li nyob rau lub sij hawm noj mov), cov neeg ua hauj lwm yuav tsum soj ntsuam ua raws li kev nyob kom sib nruq deb ntawm lub cev li rau (6) fij (feet) los sis deb dua ntawd yam nruj tsiv thiab tu ntxuav kom huv si/tsuag tshuaj tua kab mob rau qhov chaw ntawd ua ntej yuav tawm mus.

Nco Ntsoov:

- Kev siv khoom siv pov thaiv tus kheej (personal protective equipment, PPE) txhua yam tsis tau txhais hais tias yuav hloov chaw tau es tsis tas yuav ntsuam xyuas txog tus kab mob lawm. Yog koj muaj mob lawm los sis yog hais tias nyuam quav tsis ntev los no koj tau raug kuaj ntsuas pom muaj Tus Kab Mob Khaus Viv-19 (COVID-19), koj yuav tsum tsis txhob tuaj ua hauj lwm. Sib tham txog ntawm cov cai hais txog kev yuav rov qab mus ua hauj lwm nrog koj tus thawj saib xyuas hauj lwm.
- Yuav tsum muab qhov khoom siv rau kev pov thaiv qhov muag uas rov coj los siv tau ntawd tu ntxuav kom huv si, ntxuav qhov tsis huv tawm, thiab kho yam raug raws txoj cai tom qab siv tag thiab nyob rau lub sij hawm tab tom siv. Tsis txhob sib koom siv khoom siv pov thaiv tus kheej (personal protective equipment, PPE) ua ke nrog lwm tus neeg ua hauj lwm.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Mavel Morales ntawm 1-844-882-7889, 711 TTY los sis OHA.ADAModifications@dhsaha.state.or.us.

OHA 2744 Hmong (7/17/2020)

